

Održan II sastanak Savetodavnog Odbora uoči 5. po redu RENEXPO® BiH, sajma energetike, voda i okoliša

U susret Petom međunarodnom **sajmu energetike, voda i okoliša - RENEXPO® BiH**, organizator, predstavnik njemačke grupacija REECO za Zapadni Balkan, je sazvao drugi sastanak savjetodavnog odbora i tom prilikom upoznao prisutne sa novinama, učesnicima, sajamskim i konferencijskim programom.

Nove **investicije u sektoru energetike i voda** u BiH i unapređenje investicionog okvira su fokus ovogodišnjeg skupa RENEXPO® BiH.

Svečano otvaranje sajma ove godine je mjesto za promociju najznačajnijeg događaja koji je obilježio 2018. godinu – **Usvajanje okvirne energetske strategije BiH**.

Ministar vanjske trgovine i ekonomskih odnosa BiH je pozvan da tom prilikom najavi očekivanja za naredni period.

Set mjera i preporuka za ubrzanje procedure **izdavanja dozvola**, koje je potrebno prikupiti za izgradnju energetske objekata, obuhvata program na čijoj izradi su uključeni GIZ i USAID.

Prezentacija, upotpunjena predstavljanjem **institucija u sajamskoj ekspoziciji**, omogućuje direktne sastanke sa predstavnicima institucija na koje pozivamo investitore.

## **Novo u BiH!**

Grupno finansiranje održivih energetske projekata - **Crowdfunding**, ima uspješne primjene u susjednoj Hrvatskoj, a organizator Prve konferencije u BiH, Regionalni centar za informisanje i obrazovanje iz održivog razvoja za JIE (REIC) uvodi ovu praksu u BiH.

Gospođa Ena Muraspahić je najavila da će učesnici konferencije saznati šta je u planu za finansiranje.

**Javno-privatno partnerstvo i ESCO** su modeli finansiranja, uveliko uvriježeni u zemljama regije, te se očekuje da u BiH nađu više primjene.

**EBRD** predstavlja program za finansiranje zelene ekonomije u BiH **GEFF - Green Economy Financing Facility**. Benefite programa GEFF je predstavila gospođa Lejla Softić, EBRD GEFF.

Glavne teme sajma - **Energija i Voda** - povezane su u bitnom i osjetljivom segmentu - **Hidroelektrane i održivi razvoj**.

Da nije svaka kap Watt, podsjetio je gospodin Nenad Đukić, iz Ministarstva poljoprivrede, šumarstva i vodoprivrede RS.

Globalno pitanje očuvanja voda i izgradnje MHE je pitanje koje zahtijeva pažnju struke. U sajamskoj izložbi ovo je najzastupljenija tema, zato je važno da je struka na adekvatan način uključena u program, složili su se članovi radne grupe uključeni u izradu GIZovog programa za Održivi razvoj u oblasti MHE u BiH.

Investitore treba upoznati sa pratećim problemima i ulaganjima, postojećom prenosnom mrežom, troškovima monitoringa, i tsl., dosadašnja praksa je drugačija, dodala je gospođa Sabina Hadžiahmetović iz HEIS-a.

Finansijske planove za **unapređenje infrastrukture vodosnabdijevanja** će na konferenciji predstaviti **Svjetska banka**.

Da je bitno govoriti o **kvalitetu vode za piće**, istakao je Damir Mrđen, direktor Agencije za vodno područje Jadranskog mora.

On je dodao da su iskustva komunalnih kompanija, vezana uz implementaciju postrojenja za **tretman otpadnih voda** dragocjena.

Iako ne dobra, ova iskustva su poučna - komunalne kompanije iz Sarajeva, Bihaća, Mostara, Bijeljine, Živinica su pravi sagovornici u diskusiji i prezenteri na konferenciji.

**U oblasti upravljanja otpadom**, očekuje se iskorak vrijedan pažnje.

Projekat sanacije deponije u Sarajevu je potrebno predstaviti na međunarodnoj konferenciji RENEXPO® BiH, složili su se prisutni stručnjaci u ovoj oblasti.

Ove godine sajmu se pridružuje **BaSWA**, član međunarodnog udruženja za čvrsti otpad iz BiH, koji će okupiti predstavnike regionalnih deponija i komunalnih kompanija.

Naizgled daleka, ali vrlo je izvjesna budućnost transporta je upotreba **e-vozila**.

Automobilska industrija, u skladu sa ekološkim standardima nudi alternativu. O trenutnom stanju i izazovima učesnike je upoznao Adnan Bosović iz sektora za razvoj Elektroprivrede BiH.

Po prvi na RENEXPO® BiH - **Univerzitetska ulica** - Omogućuje univerzitetima da se bolje predstave potencijalnim partnerima iz državne uprave i svijeta biznisa, a istovremeno i upoznaju stručnu javnost sa svojim radom.

Kontakt za medijske partnere

REECO Grupa doo

Jelena Buncic

Petra Drapšina 33, 21000 Novi Sad

phone: +381 (21) 210 20 45, mail: [buncic@reeco.eu](mailto:buncic@reeco.eu)

REECO® Grupa

REECO® Grupa, sa sjedištem u Reutlingenu / Njemačkoj, jedan je od najvećih organizatora sajmova i konferencija za sektor obnovljivih izvora energije u Austriji, Njemačkoj, Poljskoj, Srbiji i Bosni i Hercegovini. Od svog osnivanja 1997. godine, REECO® je organizovao preko 100 sajmova, konferencija, seminara i radionica sa preko 20.000 kvalifikovanih učesnika.